

Transkription von Urkunde QBD 1339a

Ort, Datierung: Quedlinburg, 1339-04-25

Signatur: Stadtarchiv Quedlinburg, Abt. III, 53

Inhalt: Gebrüder Asmersleven: Bürgschaft für die Grafen von Regenstein

WYE Hannes vnde H(er)man Brodere ghenomed von Asmersle(uen) / vnde Herman rant knapen
bekennen in disseme breue vn(de) / loue(n) entruwen . den erbarn manne(n) den burghe(re)n to
Quede=/lingheburch Were dat de edelen h(er)ren greue Albrecht / vnde greue b(er)nhard von
reghensten en nicht neberedden / twehundert mark stend(elsches) silu(er)es nu bid sente wolburch /
daghe vord auer en jar vn(de) dar na ouer en jar / echt to sente wolburch daghe twehundert
stend(elsche) m(a)rk / vn(de) den scaden de oppe de yrsten twehund(er)t m(a)rk ghegan / were io to
der weken oppe ses mark en lot des selue(n) silu(er)es / So scole we vn(de) willen ane allerleye argelist
dissen vorbe/nomden burgh(er)en . dat hus gh(er)storp weder antw(o)rden . To / ener bekantnisse
disses hebbe we en dissen bref ghegheue(n) / beseghelet mid vnsen ingheseghelen na goddes bord
dritteyn=/hundert jar in deme negheden dritteghesten jare des son=/daghes vor sente wolburghe
daghe der hylghen iunkvrowen